



Broj/Број: 1/4-50- 1-4-46/06
Sarajevo/Сарајево: 15.2.2006. godine

Z A P I S N I K

46. sjednice Komisije za finansije i budžet Predstavničkog doma Parlamentarne skupštine BiH

održane 15.2.2006., u vremenu od 11,00 do 11,30 sati

Sjednici su prisustvovali članovi Komisije: Ljiljana Milićević, Hazim Felić, Fatima Leho, Beriz Belkić, Ruža Sopta, Mirsad Sipović i Dušanka Majkić.

Sjednici nisu prisustvovali: Marija Perkanović i Zlatko Lagumdžija.

Sjednici su prisustvovali i: Anđelka Dobrilović iz Istraživačkog centra PSBiH, Dragica Hinić, sekretar Komisije, i Albina Ibrahimagić, pripravnik- volonter u PSBiH.

Sjednicom je predsjedavala Ljiljana Milićević.

Za sjednicu je predložen sljedeći

DNEVNI RED

1. Razmatranje Prijedloga zakona o izmjeni i dopuni Zakona o porezu na dodatu vrijednost (predlagač: poslanik Dušanka Majkić) i
2. Razno.

Predloženi dnevni red članovi Komisije usvojili su jednoglasno.

Ad. 1. Razmatranje Prijedloga zakona o izmjeni i dopuni Zakona o porezu na dodatu vrijednost (predlagač: poslanik Dušanka Majkić)

Ljiljana Milićević dala je uvodne napomene o Prijedlogu zakona o izmjeni i dopuni Zakona o porezu na dodatu vrijednost, čiji je predlagač poslanik Dušanka Majkić. Istaknula je da je ovaj prijedlog zakona upućen Vijeću ministara BiH i Upravnom odboru UIO radi davanja mišljenja. Upravni odbor UIO je prethodnog dana, 14.2.2006. godine, dostavio dopis kojim Komisiju obavještava da će sjednicu održati 17.2.2006. godine, nakon čega će tek moći dostaviti mišljenje o ovom zakonu. Stoga je predložila da se razmatranje Prijedloga zakona odloži za narednu sjednicu koja će biti održana tokom slijedeće sedmice.

Beriz Belkić nije bio saglasan sa ovim prijedlogom jer je po njegovom mišljenju sadržaj predloženog zakona takav da ukazuje na određene posljedice i ne sadrži bilo kakvu inicijativu za njegovu suštinsku izmjenju.

Hazim Felić mišljenja je da je bi bilo ipak bolje sačekati dostavu mišljenja Upravnog odbora UIO i Vijeća ministara, te istaknuo također da niko nije protiv ovakve izmjene Zakona o PDV-u.

Dušanka Majkić također nije imala ništa protiv da se ovaj zakon razmatra na narednoj sjednici Komisije koja treba biti održana slijedeće sedmice.

Po okončanoj raspravi članovi Komisije usvojili su sa 5 glasova „za“ i 1 glasom „protiv“, **zaključak** da se Prijedlog zakona razmatra na narednoj sjednici Komisije koja će biti održana tokom slijedeće sedmice, uz pribavljeno mišljenje Vijeća ministara BiH i Upravnog odbora UIO o ovom zakonu, te uz obavezno prisustvo predstavnika Vijeća ministara sjednici.

Ad. 2. Razno

Ljiljana Milićević istaknula je činjenicu da se članovi Komisije trebaju prethodno dogovoriti o načinu i metodologiju vođenja zakazane javne rasprave o Prijedlogu zakona o verificiranju i isplati obaveza po osnovu računa stare devizne štednje, koja se treba održati nakon sjednice Komisije, s početkom u 12,00 sati.

Naglasila je da će svi učesnici rasprave biti evidentirani, da će ona imati kraće pripremljeno uvodno izlaganje, te da je osigurano tonsko snimanje na osnovu koga će biti sačinjen stenogram, koji može poslužiti za izvlačenje određenih zaključaka i Vijeću ministara biti dobra osnova za korekciju postojećeg i izradu što kvalitetnijeg realnog Zakona. Predložila je da se riječ da prvo predstavniku predlagača, koji bi imao 15-tak minuta za obraćanje, a da se potom diskusije učesnika ograniče na 5 minuta, kako bi ih što više imalo priliku dati svoje mišljenje. Rasprava bi trebala trajati najduže do 14,30 sati. Također, članovi Komisije ne bi trebali diskutirati jer će za to imati i kasnije priliku. Na upit Fatime Leho da li su pozvani i predstavnici MMF-a i Svjetske banke, istaknula je da nisu, a da smo ih trebali pozvati kako bi znali razmišljanja njihovih predstavnika o realnim mogućnostima naše zemlje u ovoj oblasti.

Fatima Leho istaknula je da će se na javnoj raspravi čuti mišljenje povjerioca države BiH-e, ali bi bilo dobro zbog uloge MMF-a i Svjetske banke kao kreditora i vršioca monitoringa, čuti i njihovo mišljenje. Stoga je predložila da se na početku javne rasprave učesnicima ukaže na činjenicu da će Komisija tražiti i održati sastanak sa predstavnicima MMF-a, Svjetske banke, ali i Centralne banke BiH, kako bi im jasno ukazali na stanje u ovoj oblasti i pokušali riješiti ovo pitanje na najbolji mogući, realan i zadovoljavajući način za sve.

Po okončanoj diskusiji članovi Komisije jednoglasno su prihvatili prijedloge Ljiljane Milićević i Fatime Leho o metodologiji i načinu održavanja javne rasprave koja je uslijedila nakon sjednice Komisije.

Zapisnik sačinila
Dragica Hinić

Predsjedavajuća Komisije
Ljiljana Milićević

